



思玄集卷之十二

明海虞桑悅民懌著

泰和徐威來鳳註

後學翁憲祥兆隆選

翁應祥兆吉校

姪孫孝成道凝次

七言古

風吹五色牡丹圖

一春無計消繁華坐香傍色餐流霞天桃穠李俱小器

揩目晚看花大家疑是楊家諸姊妹五隊合來成一隊

種種顏色各自奇能與春光助明媚封姨同入東君門
明妬暗忌那敢言人處豐亨理宜戒物當盛滿愁更繁
畫工儘有無窮意展玩令人起遐思誰將此語告
君王兢兢善保雍熙治

至柳郡寫懷

憶昔宗元畱口語罪人方渡湘灘水我生自少知貴重
垂老投荒六千里自衡抵桂歷險灘寄命蛟龍吞吐裏
又聞到郡路稷塞帶累妻孥愁欲歿桂林地主與別駕
深感豫先尋屋宇老妻借住且安穩釵釧權宜易薪米
總戎相厚發軍符捧檄獨行豈得已各堡嚴兵爭護送

滿地干戈人似蟻右江分憲蒙庵公下士傾身衆莫比
予爲屬吏蒙愛厚永福庭叅儘歡喜接哨將軍金子容
舞劍雪花隨地起隨行健兒經百戰賊衆聞名自披靡
慶遠太守先赴任水中青雀途駮駟牛擺灘頭獲生擒
長繩反接牽回市兒童爭欲噉其肉黃鷄入籠亾爪嘴
各營夜闕不成寐何況雨聲清滴耳明朝行到海灣浦
太帽隨風去如矢子容呼作落帽洲嘆息官軍殲於此
去歲長沙衡州官軍戍此地多被殺深定江邊險煞人淺瀨
崖前朱州官吏血商賈疊屍岩谷底匹山先鋒特搖手
似報箐中諸賊徒林深埋伏難盡搜首過還防截其尾

思古集 卷三 前
曉度旌旗筋竹嶺衆賀今朝保四體洛容縣裏召冤鬼
對酒狂歌聊復爾郡堂清冷似僧舍邊境深難立綱紀
離城十里是生獾通衢處處生荆棘打村劫路聞暗熟
里半居民存有幾叅戎守備日籌畫據險賊巢難盡洗
孔子居夷豈兵革大舜格苗舞干羽此意汪洋似海深
愚生安得窺涯涘每逢村老善告語

天子仁恩浹遐邇昔年擣破斷藤峽十寨九空皆自取
爾傳吏語啼告戒鎔劍爲犁事耘耔舉頭似領心不然
習俗爲非是生理常聞老子之流沙玉融何曾在仙趾
石中結乳爲寫真幢蓋前頭印其履如何化胡不化夷

平盜何能傳法旨象臺白雲裊成象我欲乘之詢太始
當時不降犬羊種百粵道路平如砥古屏水冷結幽亭
三月笙歌賞桃李生人何故陰氣雜中州亦不純君子
若令四海盡雍和化外瞻天如尺只天公果肯荅因由
但願銀河下雙鯉

日出獵圖

胡盧塞遠天茫茫馬驥山高離太陽莫居甌脫積陰府
人畜噓氣皆成霜老上家兒解馳逐溫禺部落齊騰襄
綺襦繡袷帽貂鼠被髮左衽裘羔羊敲冰合羅飲壯騎
虹旃電幟紛煌煌長及短戟盡廉利蒼鷹黃犬勢莫當

陰風倒吹鳴鏑發走不及去飛難翔也知胡虜畏中國
終年野寇惟麋獐潼關居庸地設險萬里邊城塵不揚

云胡畫手巧摹寫頓驅異俗來中堂

徐威註云此以下敘夷狄威衰如指

諸掌可當諸史一部夷狄傳

我思匈奴號夏裔燠蠡為食羶為裳拜

日出營看月戰隨艸畜牧居無常

徐威云只四句胡人之出處風俗畧盡

周時獫狁頗猖獗曾勞南仲城朔方秦興築怨幾千里
臨洮一帶連雲陽于時頭曼竟北徙北虜未滅秦先亾
綿綿爪朕冒頓實平城七日圍高皇雄飛雌伏送漢畢
由來凌轢惟邊場五胡雲擾晉凋弊拓跋遂踵網八荒
頡利雖擒回鶻橫太宗以後頻獵唐遼金與宋為敵國

北朝常頡南朝頡黔黎大半入畢翳歲幣為柴來無壘

胡元一目

目網之目

加宋鼎野狐桀獷家麟傷浙潮不至江

漠漠燕石無語山蒼蒼陵夷天界倒足頸點污華夏腥
冠裳皇天特命我

聖祖重整九法并三綱劉基宋濂盡羅致徐達虎噬擴

康狼特開三面縱逃逸順帝得還沙漠鄉率土無方不
洗濯蒼天此日聞馨香不歿圖中者誰物猶與吾輩同
徜徉觀圖始知

聖祖業殫壓五帝包三王古來盛德食遐報我

朝運祚如天長

題畫

西昌無地可作適終日看山惟畫圖畫圖何贗山何真
外景醜妍心本無終朝揩目檢泉石精神未與江山疎
只疑僧家能變幻幾迴丈室來蓬壺夫君此畫更奇絕
點綴景物分榮枯凍雲搭嶺黑嶮崿淡煙着樹青模糊
呈奇貢秀百千處總集大成惟一區蹇驢自挽欲何向
小亭無主生秋蕪憶前謫降玉皇所特授調山提海符
至今胸次百無礙吐吞浩渺藏盤紆山君川后畏詩律
山不愛玉川呈珠題君此詩非謾興心遊雁蕩抽碩膚
詩成兀坐想坡老與爾俱是神仙徒

題畫

彤庭沉沉月華滿朱簾暗帶紅霞卷春光常在繡幃中
化機不屬天工管金壺謗瀉瓊瑤漿壺中一刻如年長
舞腰裊裊輕貼地遏雲音樂催高翔別院風光春正好
銀燭高燒照晴昊警露非無閨苑禽聽歌自有天山鳥
窗前琪樹搖玲瓏玉爐香燼落花風紉衣自習越溪事
那知銀箭浮銅龍霄漢低迴天只尺抱衾擁帚皆恩澤
素娥薄相亦潛侍女伴相逢不相識螽斯樛木遺清芬
龍孫麟趾何紛紛無人不駕星槎到有派自屬天潢分
此圖似寫宮闈德王建新詞失顏色我

思文集 卷五
朝家法類成周不是二南描不得

題畫

深山春色澹古木搖晴空遊人杳何之苑囿翹繁紅野
心已逐白雲散曲徑不與天門通西岳據險闕今古送
盡行人岳不苦岳原不解險爲誰人亦不知忙是我在
山安間出山局促亦有山中人心入通衢聽絲竹堂中
見此避世翁嘆息無言刮雙目此人此景世應稀良工
潑潑呈天機題詩寄武夷把酒澆匡廬他年仙郎天上
歸與我携筐同採薇

假鳴子歌予初以假鳴自號作是歌

誰謂天無言世有子史并六經元氣淋漓開

大明乾坤物漠難爲名奇光闕景悉耗曝久獲健筆搜

精英帝命真宰搏我形百年造化假以鳴假鳴子通仙

霧萬象繞指隨使令驅雷可啞喝雨能晴凌空得石沉

海獲星鼻端只覺紅塵腥洗以楚騷千皓之蕙百頃蘅

春意盎盎鳴蒼鷓假鳴子好興發手携一壺隨意傾酪

酏自作昇天行罡颺憂霄漢爲我傳妙聲一傳三萬六

千里遺響遠落芙蓉城芙蓉城中花繞縈離宮別館數

十處處黃金爲梁玉琢楹庭前碧桃一株幾時種根

蟠混沌翹柯莖羣仙會飲碧桃下霞襟電袂光熒熒鈞

天樂奏未終曲忽聞此響來青冥仙咸半醉傾耳聽奮
械榴悞兼踰鎗想經三江益滙洄想歷五岳增峻嶒將
往而復滅復興畫難爲象捕莫緝餘音散入風泠泠麒
麟起舞鸞鳳鳴玉樹爛爛飛瓊英知音只有回道士安
期生夢中數語假嗚子白雪古來流俗輕君今得句擲
東海海若穩送來蓬瀛金天胡雛瑤池王母朝太清綺
筵羅列白玉京我箋君句貢帝庭協之湘霧之瑟子晉
笙脊毋流落在塵壤雷電下取勞六丁我聞其語喜且
驚口不能言心自竊景星慶雲吾友朋霽月光風吾弟
兄云胡昔日自煇怔與世拏爭蝸角名

入山一月羣芳漸發卽所見成詩

入春一月荒山陞根株次第呈神奇匆匆行役乏高興
品第色相因題詩寒梅貞靜真后妃山樊守正祀叔姬
繡毬圓滿玉環肥海棠嬌弱飛燕姿梨粧褪粉默無語
寵載步輦能堅辭妖桃穠李各逞意琴挑未免生邪思
繁華可惜易衰歇舞蝶欲醉啼鸞癡東皇手段大莫極
塗抹園林皆陸離如何管地不管水赤帝菡萏浮漣漪
以次門墻分白黑寄籍二府稀花枝始知萬物各聽主
應候供職非人爲一元氣候孰總領孔子太和行四時

觀貴州安莊白水泉

山陂險惡肩輿輕數日勞勩強強行山泉有意慰遠客
 十里遠迓先聞聲萬人腰鼓振空谷時吞衆響轟雷霆
 懸崖倒瀉類李白沿石漬沫猶徐疑白氣漫空衝作雨
 玉龍飛去雲冥冥遙思東海老居士濩落愛結煙波盟
 去年同探龍潭勝至樂不減濠梁情誰知向覩十室邑
 今日方逢千雉城此間如可致此老咳唾遂成茲水名
 題詩欲寄無便翼秀句墮地清風生我曹想是葉宮客
 至死能役鍾山霧何時騎鶴翅寥廓還借銀河來濯纓

南山舒嘯

高人黃堂了公務寄興南山舊遊路每思長嘯向空谷

仰天畫出任公賦一聲飄介山一聲落湘水焦石化清
 涼怨波遂容與子山枯樹忽生花賈誼旱雲變成雨總
 八方之至和奚論宮而辨徵萬古在後千古在前漚起
 龍滅世故推遷何以處之消一艱然

讀佛經

催科偶借僧房居暇觀大藏探玄珠心驚目悸我喪子
 天下四洲中一隅芥子又可藏須彌緣業相纏若有需
 女婿樹名波叱釐攀花相配成美姝

有一書生止于波叱釐樹女父攀花

以授書生日此佳偶也書生由此得偶佳麗無那律為

劫黑業餘凌空自放箭作梯阿那律身先為劫以箭億

劫變化形莫拘獮猴過世憍陳如出摩訶僧祇律愛惜物命忘
身軀濟衆肯歿爲大魚閉門殺羊寧自誅山河大地非
真廬無我無佛無空虛是名正覺登菩提幻語萬狀籠
賢愚莫可致詰難驅除誰繼三后焚其書

料事

日出世事紛如麻料事在十八九差是非相形差亦是
棄置且喫盧仝茶馬遷術者傳作日招提名寺去鬪奢
七漆賈禍何枉曲脛廟祈福非淫邪假名豈止呼牛馬
須捷爲服郎罷爺鯢鯨歛美四海水李白驅使掃泥沙
昌黎最解評萬物穠李擡舉升天家細思物理有推案

何況變故多紛拏從今且塞混沌竅送日萬里看飛霞

題畫爲張侯克脩作

京師車馬何紛紛眯目千里皆垢氛思玄居士偶羈束
野鳥飛混樊籠羣張侯少作金閨彥胸次曾盪峨眉雲
手攜此畫索題詠知人惡臭將蘭薰嗟予最愛專一壑
良工代我心云云奇峰重疊照清泚古木慘澹籠斜曛
數屢茅屋隱林表勝景盤錯橋平分此中正我開眼處
陰符一卷香初焚云胡失脚落塵網招致只有山殷勤
昔日擬辭責四皓去年題詩頌五君夢魂飛上匡廬頂
醉嗅五老皆奇芬拂衣歸去一彈指銘墓堪笑王將軍

八月二十二日過分宜昌山洪見一巨蛇長二丈
餘雙角斲然衆夫驚呼潛其首尾脊角獨露冉
冉而逝作詩志異

扁舟曉亂昌山洪巨蛇雙角疑潛龍隨流徐入岩穴中
薄雲慘慘吹陰風季秋陽蟄龍德窮非時小見蜥蜴同
拔荒偶覩真奇逢天意示兆非夢夢震澤秋水涵虛空
先生盍歸採芙蓉醉美文墨誅長虹

謁南岳廟

衡山兀立炎州宗主峯萬丈名祝融

朝廷往往降香幣廟貌翼翼何尊崇時朝重華駕朱鳥

滿山松檜吹迴風名儒流落荷存卹開晴特迂昌黎翁
文公來時苦冰雪將返星月羅長空顯示生前值昏翳
身後斯道明無窮我曾帝旁製雲錦機杼斗柄梭飛龍
勅攜花樣貫下土手法不與人間同自憐水陸困奔走
誰似海岳能包容此行參謁望霧庇蚤脫羈縲歸山中
薄陰不雨有深意退路坦坦無災凶乾坤文繡自珍襲
吐氣五色成長虹稔聞神仙燕絳闕久缺樂府聲蒼穹
步虛數闕焚案下新響傳遍鈞天宮

挽莆田黃廷永大參子穆為翰林編脩次子中鄉

彩絲難繡平原君黃金難鑄鍾子期
括人一去不可追
詞林意匠摹成詩公少乘雲登宦轍
文纈彩霞心秉鐵
秋清柏府滴甘露春暖薇垣飛片雪
官居愛憶山林尊
胸藏堂室施纜門高才未盡金馬興
清夢已返銅駝魂
諸郎盡有排風質翰苑飛騰連桂籍
身後誰能畱五色
起宗鳳毛世無匹

世恒妹丈常為御史觀風兩廣以為桂林山水妙
天下每言之不置不知玉融岩洞尤為奇絕惜
不得世恒共遊其間以發千古之奇遂成一詩
以寄世恒因悼亡友秦良翰并柬諸鄉丈云裕

軒世恒別號

裕軒才格今少游兩廣昔乘驄馬遊每言八桂好山水
自閱舊藁涎空流豈知玉融境尤勝不數天姥并羅浮
亂峰拔地青不了人家半住雲山頭碧桃幾樹眩晴晝
翠竹千畝常清秋白鶴飛來動盈百岩頭臂索懸獼猴
周遭仙洞欲評品唐儒制作疑相伴老君分明類韓子
寬平一脉通玄幽奇哉彈子柳侯體世間萬象俱冥搜
老人進步宗師險徐穿窈窕郊深求西峰盧仝王華湜
追逐上下驗螭虬平生親厚歿與隔詩料滿眼誰賡
堂堂良翰已物化吟餘風月難為收尋樂方營拯物業

思玄集 卷三
未可復合歸山謀銘庵居士且曠達無礙道者何清脩
我歸同君邀二老阮孚蠟屐鳴夷舟平章泉石到三島
節制煙霞連十洲掀髯長嘯空同表楚楚何物非蜉蝣
舊鄉不歿未易覓采真且約營丹丘

春遊歌

君不見大羅天上逢新年詞頭促辨詞林仙我濯文錦
銀河邊星宿相射光燁然玉皇覽畢粲玉齒休沐偶誦
逍遙篇于時青帝頒春去東望斗柄迴雲鞭相逢偶譚
下界勝二月三月異卉紛爭妍我思遊玩心頗動一念
墮落東風前謫來塵世幾十載晨烏夕兔忙推遷馳驅

邊徼強求活徙倚寥廓恒思愆得間又起尋芳興萬紫
千紅俱業緣看花有作渾漫興舊格不許人間傳描春
欲貢天工牋醉呼丹山彩鳳銜上天侑以鮫人綃織離
騷篇鮫人綃織離騷篇經緯赤城霞氣蛾眉月色蒼梧
煙

莫捻竹竿諭柳人

三里五里路竹竿何離離莫捻竹竿竹竿惹是非打水
魚頭痛憂場家雞亂亂飛雄雞飛上樹老鴉啞啞正在
樹上啼東鄰呼兒射老鴉雄雞中箭翼離披老鴉自在
飛上萬年松樹高高枝兒知是雞且提歸大家歡喜烹

而食之忽聞喧罵聲返笑西家癡我但射老鴉爾自不
教雞會避嫌疑嗚呼激變生事安投羅網貪利不顧真
廣當念茲

君子軒外獨樹參天君子子居柳軒名

小軒仰看長天青遮天一樹當前庭我言此天只此樹
天能蓋樹無多羸兒童回言天夏大樹外小刺圍團形
豈知天公日月眼塊視太華盃三溟先生終身坐蛙井
不省何事為鵬程年時曾續遠遊賦來往千古鞭雷霆
回頭翻厭八極小投足萬里塵冥冥爭如息肩寸天底
坐樹終日聽秋聲

卧病既久告婦有日悵出山之無成也自訟成音

卧病兀兀千金軀蓬首垢面天囚拘開門垂光相顧盼
雀晨金烏夜蟾蜍俸資收拾還舊債看囊畱得數卷書
柳州四月米雖賤日糶愛惜如明珠人生在世苦役役
今古昂藏幾丈夫躋攀富貴心似火煎得髮白精神枯
耳目口鼻各有欲驅役天君如老奴誰知動處是苦海
要識靜中含太虛典衣沽酒且斟酌數問老妻餘幾襦
醉時漸補混沌竅夢裏或返鴻濛初尋常得飽且快活
不勞千古人憐予子厚先生備全巧少年只欠三分愚
如何七夕拜且祈又欲乞巧續有餘巧中之愚乃如此

名加冉溪誣煞渠思玄人憎鬼神妬苟延殘喘惟模糊
戴山巨鰲喚磯風浮水小鱣名鯤魚病痊別有資身計
婦去鋤園喫春蔬更披古道尋唐虞閉戶不管鄰鬪呼
戶外茫茫連九區億萬蒼生辛苦何由蘇嗚呼乾坤生
我不如無

按縣

虎士羅立羣吏趨官人端坐如塑泥兒童婦女盡嗟嘆
傳言應諾聲何齊思玄先生今古眼大觀晉楚如醯雞
貧為微官出按縣忍作傀儡隨人提身邊立侍兩童子
情話終日通黔黎自書考語號罷悞筋力祇可供鋤犁

治中別駕異令長似蟻上磨嫌封低仰天長笑賦婦去
欠我百甕酸黃虀

謝叅戎歐世安贈銀盞

杜陵窮時還錦段張衡愁極思錯刀古人授受不在物
黃金百鎰猶鷲毛明公提兵制閩外咳唾落地兼風騷
平生襟度蔑涯涘泰山一擲真秋毫憐予乖刺調遠郡
懷鄉去國情無聊朱提銀盞特相贈似勸且飲龍城醪
老妻正報新釀熟靜聽滿鬢聲喧嘈與來洗盞復斟酌
四體融化春陶陶遺身獨入華胥境直與玄造同遊遨
神功妙用盡充拓六珍不作三光調况公忘施我忘報

此意優可通軒堯題詩好繼木瓜後媿乏佳句如瓊瑤
逢迎

布帛可衣粟可餐逢迎不救飢與寒奴顏婢膝殊齷齪
何事能開嚴毅目跳圈舞杖擾且馴是人美狙狙美人
君不見祖思恭謹遭殺戮夷狄猶知拜爲辱

夏日收糧有感二首

柳州五月開軍倉大家小戶仍納糧白粲如珠堆滿場
府官監督當廳量汗珠垂垂日當午天孫錦裳污塵土
君不見邯鄲才人嫁爲厮養卒婦遺事千年傳樂府

其二

婦女持箕來逐逐每言某堆糶糶府官聽信令簸颺
粒粒圓齊方上倉青秧入手手先軟揪美明欺府官眼
會籌上簿人懂懂糶穀還入原堆中嗚呼世間此弊那
能革安得南海觀音手眼俱千隻

長命艸

龍城山中長命艸采采黃花顏色好懸崖挂壁常發生
朝莫搬移不枯槁歲寒獨正柏與松非時欲植難爲功
爭如此艸出凡質淨洗塵土根虛空世間物變無不有
杆地成羊樹生酒

途中卽景

黑雨傾盆山岳昏上下馮翼何由分在風頃刻掃昏翳
漸次開闢成乾坤雲破羣峰倚天末鰲足稜稜高下列
殘霞點綴夜不收疑帶媧皇斷時血我思造化無常情
翻手爲陰覆爲晴人心方寸涵太極天道變幻何足驚

天津沽酒

扁舟夜泊天津城蓬底題詩清興發鈎簾燈火者誰家
滿鬢梨花春濛濛買嘗數盞卽曛人四體氤氳雙耳熱
遊兵出沒齊鄭間金鑄愁城化爲雪我有經綸策數篇
膏澤久屯辭語渴馮將此酒洗塵埃脉絡庠庠神思活
暖風入扇舜文爐和氣下吹周召呖萬言無假救蒼生

字字乘酣化成血古來痛飲足玩世天憫英雄幻斯物
却笑屈原真獨醒舉世同污身自潔江魚飽食離騷經
千古湘流尚嗚咽江南盎盎萬里春光景無邊招布襪
指日歸休載一壺嗽酣震澤連明月

太常蒙卿邀予同李學士瞿憲副王侍御同賞白

牡丹于神樂觀花三本六內園取去二本

上林春事推繁華姚黃魏紫爭堪誇更看一種謝顏色
掃除紅粉呈芳葩素質盈盈美無度何年謫下瑤臺路
精神飛入銀河篇體態都歸洛神賦神樂觀主容臺卿
空花壓眼真無情吾儕放浪爲無事東風斗酒消春晴

曾聞二本婦無前古何效身無事東風平門春部
天上幾度題何處豈非春
重瞳轉相向內園點綴黃金屋禁苑安排紫絲帳竭來
此種畱人間托根洞府非塵寰隨時窮達花不識天遊
何必乘青鸞萬事到頭俱瑣瑣大觀萬物無非我半醉
題詩謝主人名花可鑄傳千古

田家畱客謠擬王仲初

柴門犬驚吠忽有賓客來兒童懶惰地不掃門前處處
生蒼苔叮嚀妻子休嘆息新婦今年能助力合家黽勉
遮外羞休語家貧難納客厨頭有飯今已馨床頭有酒

今既清在家我弗款賓客出外我亦何人迎雖無高堂
與廣廈請君暫醉茆茨下荒村無物延款君惟願君歸
休笑話

天影池為韓克善作

誰將巨霧斧鑿開混沌根青天去地知幾許天影墮池
池不渾雲影飛來更飛去只餘天影池中住此池昔日
未開時此影收藏在何處地中固有水水底復有天池
涵碧天影此理難具言我思人心能善養包畜青天如
一掌內境無波水自清天根有路頻來往小池直與方
塘通活水便覺來無窮一般清影一般水何必題詩問

晦翁

放言三首

龍伯國人億萬丈日裘月鏡雲霞帳昂藏霄漢難獨立
鄧林喬柯截為杖一朝北遊蟬人鄉北海浩浩深莫量
輕身徒涉水沒額髮尾浮波分寸長蟬人遙觀發微莞
龍伯國人抑何短

其二

我有素琴橫碧天袖手不彈三十年太階為徽玉衡軫
織女機絲分作絃彈時清風動地至乾坤再覩雍熙治
大音無聲聽者稀明月流空寫遺思問予此曲誰為傳

請讀莊生天籟篇

其三

巍巍金城高百尺其上樓臺相拱揖女墻無主亂鴉啼
日色荒涼北風急城上誰家遊冶郎三三五五映斜陽
腐儒平生不解事醉裏聞鶻欲斷腸蒼天覆物萬萬古
杞人徒憂亦何補

重續麗人行

洛陽三月春無主桃花落盡清明雨名園接葉暗栖煙
可教鸞鷲無言語陌頭車騎何紛紛顧盼似空遊女羣
柔情薄射伊水月倦思怕領龍山雲就中八姨最年少

上馬臨風殊窈窕白日淩迷天暗垂萬姓遊覓隨一笑
當時宰相名國忠幾迴金轡朝真龍綃裙六幅行委地
峽水拖入華清宮杜陵老翁慣飢餓半生只對山妻卧
酸眼驚看絕世姿錯認九天玄女墮此翁向後攢百憂
潼關戰骨堆心頭始知昔日眼中見寶釵銀盃皆干矛
君不見巍巍文武開周國削義降仁褒姒色再觀青史
發長嘆丹臉雙刀古無敵

醉鄉侯西洲張先生能飲以此自號

漢家法忌侯無功包茅之土何由封愁陣屢把騷壇攻
爭似酒兵能折衝百壺真王逢堯舜齊鄭殊途悉歸順

一石八斗輸不盡食邑何須酒泉郡興劇自持雙劍舞
法令森嚴吾喪我牛飲三千供部伍間築糟丘夏開府
羅糧不治老叅軍焦革又收爲戶民萬里拍拍江南春
把盞絕勝投筆人

題畫效玉川子

山人終日不出山今年與山別峰賓壑友沒往還東家
西家知我已結憶山病救我命投我幾幅畫置我眼光
泉石間二十六此畫一清清到底光明眼藥將眼洗二
人古衣冠松下坐我癡對之揖怪他不還禮雲氣分明
指邊墮撫琴搏得浮雲破山霧碎了面皮不歡喜不如

以風爲禱以月爲几袖手山中卧天琴衆竅爲絲絃清
風來彈音自全更歌小子新詩三兩篇自然遺響飛青
天乃知琴在吾天地在吾心胸不在焦桐與吾手泰山
吾琴尾三溟吾琴首一曲十二萬八千年奏不了其間
多少鳳凰現多少麒麟走眼中知音稀又稀要知喚起
漆園叟題君此幅畫思琴道理無終窮嘔出狂言心竅
空我詩亦謂非吾詩焉敢貪天之功以爲功

蘇軾題梧竹奇石圖

琴瑟未斲先具形簫管未截終完聲天將碧玉爲寸筵
地擊翠石石亦鳴分明一部真韶樂彩鳳能招下寥廓

古音不復將如何請君看此韶樂圖

題金梅圖

絕楚霧脩忌來越諸發傳黃庭一卷讀未了化人一國
俱無言春面粧成寒悄悄底事萎黃類枯槁畫工想是
九方皋翠禽定化昆明鳥黃兮非假白非真逋吟一八
纔半斤丹家以二八一斤爲金數林和靖詩故云半斤也誰知窈窕羅浮女
都是金剛不壞身

長沙山中見海棠外以爲薪

深山偶見樵薪翁兩肩雲氣朝濛濛海棠數朶垂嬌紅
連株斬伐荊棘同綠珠墮樓將舞空玉環初經命未終

憔悴尚帶傷春容清露濺淚啼東風翠幃銀燭蘇與淞
此地忽化為蒿蓬花也未必無終窮常聞鼓桂遭斧鑿
日暴三日供炊烘于此得見心冲冲題詩一弔真遭逢
豈若生遇蘇長公

八月二十夜熱甚不能寐有感

八月夜熱睡不成渴想打葉蕭蕭聲幾迴假寐首陽頂

不見夷齊人馬行詳見蔡邕夷齊廟碑大火東流物遭燬清夜長

吁神瞽亂 九重赫赫視須明百獸憧憧刑可斷五行志視

不明刑不斷厥罰常煥西昌地壤通虔州州竊手搏今戈矛眼昏

誰見王猛風竟斷人乘李密牛閩廣邊陲盡荊棘黃茅

瘴勇先勅敵何須主將有城府只恐民兵無畛域百姓
竭力供軍輸老父鬻產子執及平地噓愁迷鳥雀清江
滴淚煎龍魚百尺竿頭思進步康衢蕩蕩生朝露憂世
慵吟招隱詩失意寧投弔湘賦華嵩頂上百尺亭下臨
絕壑上天庭深淵忠憤不堪雪吐氣化作溫雲橫

李節婦

遊絲墮地風不起燈燼霏霏落江水良人一去不可招
形忍為人心作鬼黃葉擁籬秋滿門孤兒索果啼黃昏
三喪欲舉况赤手渤海捧土成高墳白日遲遲常不曉
薄雲飛過長空杳夢魂泛盡水中萍血淚滴枯庭下州

思文集 卷三
寒冬凜冽藏春溫有子成立孫高騫幽閨情事動霄漢
施報默默天無言臨變從容能就義視死如歸生作戲
今古曾書幾丈夫君不見李母苦節絕代無
林司寇遺僉憲九成黃君盆柏九成求予作敬柏

李詩

人情移蟹并愛烏恭及桑梓憎胥徒黃公敬柏念所贈
愛惡天行非滯吾 天朝司寇冰霜質歲寒蚤作人中
柏乾坤根本藉支持不數能通雪山白晚盆真柏持贈
公葉葉暗帶新甫風相期秉志獨心正鐵幹萬丈摩蒼
穹公今景行司寇節對柏整冠那敢屈灌之東海清漣

沫壅以南山白雲屑春陽濯濯潛沮洳向陽新長栖鸞

枝日投佳句當鼎酢

公自作敬柏詩數首

古松脩竹皆無詩由來

深汲匪短纓破盆請種匡廬頂左枝擎日右枝月高陰
不雜星河影薦賢忘已聖所臧孟明戰勝功子桑黃公
奇材驚萬世吾謂司寇能文章

老杜古柏行不露文章世已驚

醉時歌

天地初分時混沌人咄咄忽逢儵忽鑿七竅竅竅有霧
民偽滋以白爲黑以妍爲媿顛倒是與非真宰欲人返
舊不可得急召儀狄來謀爲儀狄傲后稷黍來釀爲酒
勸人時復一中之飲來飲去心自醉泰山秋毫大鷗鷲

思文集 卷三
與醜大小都不知熟醉爲身謀痛飲真吾師老杜昔日爲
此詩亦似李白流涎時異哉屈子不曉事不能餽啜饋
與醜入水見怨不見水遂令沅湘日夜聲恨無窮期君
今好飲爲無事半生放浪武山之麓澄江滄青衫自脫
比艸色白髮誰解簪花枝幸生四海太平日日日滿酌
何須辭思玄先生亦好飲月窟天根手中卮五帝之時
曝皦三王之時熙熙都入吾心脾个中真味知者稀無
絃之琴無子棋

招賢里姚江八景之一

公卿薦士久不作此地舊有招賢名誰知燕臺一坏土

可直全齊七十城 魏闕遙遙楚天碧滿眼白雲江水
急小山叢桂不聞歌秋空月冷黃金泣

完節

良人已歿心先歿畱得形骸爲兒子撫躬弔影三十年
藥汁餐來澹如水玉璽墮井井不冰白虹貫天陰雨晴
太行之阿獨幹竹歲寒一氣常青青擔乾負坤惟一節
暗投鬼神行日月高堂清風永不滅萬象無言暗流血
聖祚綿綿萬世長亦將何物扶綱常
衰旌有典降寒谷灰練練生輝光天人相感非相期
昏獨寧求天下知剔燈事業有誰見千古人看完節詩

題江右方伯徐明德迂齋政績卷

羲軒去已遠唐虞迹久陳浩氣真味藹直道猶吹塵堂
堂古道行今時令人視古名爲迂有言或爲孟軻辨默
坐暗化顏淵愚通人宅前花滿枝車行千里皆圓機淫
聲每病律呂束曲木却嫌規矩非仲尼魯迂儒君實宋
迂叟先生心迹希聖賢好古那知迂落手縱橫不挂譚
王口捷徑暗擲無何有少登黃甲司白雲擬問疑獄如
通神淨洗白骨封以仁忽然大造重育身鑄鄒斬罪如
刈春和氣盎盎歸大鈞尺一還令足軍食嚴毅方敦憲
臣職大田萬頃秋一色諸葛孔明趙充國爭似太平倉

廩積法律生光連白日江右豪強俱屏息空谷晴無虎
狼迹澗泉泠泠洗空碧山林聚結探丸壘斬叛招降如
折葦地下斷絕梧丘覓人間照破黎丘鬼大旱慮囚忽
甘雨齋心禱天天亦許虔州芄芄數千里先生一念生
禾黍外臺總憲躋方伯回首廟堂猶只尺飛騰不藉攀
緣力巧宦憧憧竟何益真誠待物無闔闢在在能留迂
政績先生之迂非空疎拯物區畫皆訏謨今世豪傑古
丈夫畫堂銀燭照綺羅幾人畫錦歌鷓鴣請託絕迹苞
苴無獨坐空齋嚼春蔬

贈西蜀典莊陰先生

典莊先生學者師遠古凡格生今時此身好似靈光殿
屹立鎮魯非人爲桂溪無邊春色滿百尺高門照清淺
繩繩祖武鳴教鐸秩秩友于登仕版少年有志干雲霄
胸中吞吐皆方喬黃潤機成羞入艸沈轄釣下驚陽鱈
高樓喘構漆園裏四壁牙籤盡經史兀坐誰知天共遊
靜觀自得園中理開門授徒慵閉關分別理欲毫釐間
塾中更有胡安定海外獨傳孫泰山飲血泣親幾喪我
煦煦慈闈春半畝年飢鄉飽樊重穀秋冷族紅文子火
作詩詆佛譏神仙正派獨尋濂洛傳擊怪不須魏作笏
送寔安用柳爲船婚葬削儀違俗格釋老望門皆辟易

虔恭賢聖飽稻梁驅除術數芟荆棘仲尼抱送麒麟兒
冰雪聰明玉樹姿公相嬾吟韓子句大賢惟誦堯夫詩
賢郎守州僉憲職拯物皆由庭訓力穀率相傳只忠孝
旨甘遠奉惟清白先生年高樂有餘白日自與羲皇居
東吳鯁生最敬仰天末飛鴻一寄書

題隋宮圖

天行宮圖

剡溪藤紙冰雪膚色白自誇天下無玉顏可惜命猶薄

點染幻出隋宮圖憶昔楊堅竊周鹿根本凉凉曙霞薄

夜光獨照那敢食肯信蝦蟇產於腹盧仝月食詩月養

堅爲子廣所弒也刈葵放手併傷根老杜詩刈葵莫放手放手

之弒父以及兄也逆廣似報周家冤四方混一百蠻賀車轍馬

迹交中原西苑重開貯歌舞別館離宮迷處所剪裁常

兇樹鮮新盤結堪憐水辛苦亂離胎骨包昇平志荒萬

里遊心兵勇竟化酒鬼化色頭顱變作高麗城楊廣之

于酒色及伐高麗三者如太子天下紛紛竟誰有急賊

更堪生近肘醉中汲汲探佳景白練退回喉畔酒用精

取物何物多阿房結綺高嗟峨劫灰灰盡英雄木啼鳥

悲蟲為薤歌千古皇居盡如此惟有堯茨照青史揮毫

為作隋宮詩我詩遭厄如此紙

贈括蒼樊時登分韻得江字

混沌初分兮蒼天無語其氣何淳龐假孔孟傳消息今

天語漸漏鄒魯邦後孔孟二千餘載兮文人韻士幹天

立說日與造化相擊撞帝憫造化之破碎兮爰命律令

奔走六合收拾散語歸天腔誰知妙語盡羽化能上天

下地兮棹無楫有為飛艘律令索手天帝怒救壅福海

不使通文江收彼玉珮贈以寒釭生前富貴不可致從

伊九鼎一筆扛所以吾儒貧到骨聲名官職無由雙樊

君少秉匡世志何事更擁騷壇幢京華旅食三十載囊

垂罄今止有健筆如長杠用違其才志不展自古莫辨

珉與珉贈君煮沆瀣之石鼎兮送君釀太和之玉釭坐

思玄集 卷三
風施雨有餘暇默飲元氣卧北窗

題趙子昂馬

天池定水生漣漪臨流濯出神龍姿
圉官欲騎心辟易
夾道行來風倒吹奇骨稜稜堅似鐵
王孫畫之心欲折
燕山有路可長嘶何時得染溫禺血

雪

今日何日夕何夕日月無光天地悶
太和元氣凍欲死
宇宙冥濛如混沌眼明忽見此奇物
吾不可名強名雪
初疑女媧煉石補天缺碾碎白石墮
餘屑又疑天皇欲造十二白玉樓
亂斲玉花空內撒遂令下土璉盡瘡
牛

盡沒

左傳襄公九年
雪沒至牛目

于時青帝將秉政黑帝欲退居意

必天皇悼黑帝赫然震怒發稜威
敕令下土盡持素往
弔黑帝不可知是以下土物一一隨形敷柄
司陶學士
依樣畫葫蘆一筆不改易潔白不受緇塵污
由是貞松
不許翠瑞艸不得朱惟有虞山翠屏好
逋逃一夜青無
餘羽禽悉悉換頭脚只許鷗鶴得自如
九州縞素無色
抗獨與明月相都俞頻翻綺語洗不盡
韓昌黎詩綺語洗晴雪
胡
為坐我瓊瑤區思玄子傻欲以風為車
雲為航偕冥冥
訴蒼蒼此物只宜在天界瑤臺瓊府相輝光
胡為輕墜
下土方民飢不愛鑲銀裝蒼蒼冥冥不可詰
歸來只見

一庭雪
劣馬行
昔年老杜歌偏側只有兩言堪嘆息日騎官馬送還官
道路難行澁如棘我脩州志蒙官愛坊長每日輪一疋
居間坐卧牽在前緊要欲行何處覓東家有馬性惡劣
雙足挈空向人立家僮拚命跳在背振地一跌加兩踢
此後譚馬傻色變路逢童粘心碎易蘇秦說霜問舌在
李全戰敗疑手失我官正居大夫後肩輿無人足無力
幾迴歷覽地輿圖茅茨拘悶住不得願同禦寇駕長風
浩浩一身周八極

聞邨報有感

邨報云云天上墮致政諸公春夢破迴思多士戰禮闈
方向邨鄜枕間卧先生觀盡今古戲真宰訝予雙眼大
儀秦頰舌烏關關許史燄光螢个个牛溲世事博孤笑
蟬翼人情消一唾孟堅再著人物表添我新題曰迂腐
何由得見無名公同向虚空樓閣坐

謝瞿用九惠米

我師孔孟源流窮度日好似彎強弓李侯去後更狼狽
孰有好事堪爲東日長食粥四五碗返觀腹內常玲瓏
獨輸腸胃無窒礙吐納萬象猶虚空鄰僧時給玉川子

小校曾調顏魯公垂名千古何貴重粒粒直與珠璣同
多君贈我數斛米山厨有氣春融融三餐之外俱長物
拳石可怡忘華嵩我非庠桑居畏壘安得此土年年豐
請君少試社倉法鄉黨無有恒相通人飢欲死我焉飽
輻富豈貯陳陳紅聚財為利散為義舜蹠只在毫釐充
振衣千仞望塵世多少癡人看臭銅

蘇守曹侯鳴岐去淫祠數十萬閣老匏庵吳先生
紀之以詩予次其韻

人情所畏惟難知山高自有祈羊施異哉周禮設神社
鬼神情狀誰知之醮錢特獻蒼王酒神韻豈為羣吏師

降莘言晉果何物繆妄皆乘妖氣為乾魚揚霧大骨聖
傳流既遠言愈厄上方妖廟何壯麗巫覡安得醉蛛絲
降災吐火甚變幻毒霧昏翳清明時茶筵如錦人敬奉
覘神喜怒為安危繞城小廟動盈萬浮槎洗刻加鬚眉
顯蒙已作膏肓疾此日忽逢盧扁醫誰云項羽紙錢索
孰見子文羽扇揮盡將妖像付烈焰老弱剪斷妖邪思
吳城歲省億萬費雄雞安得愁為犧歿生得喪盡天命
造化果為祈禳私齋醮誣天真漠漠緣業諭俗何卑卑
甘心聚財作冥福唱召仙佛傾家貲亦曾少撲轉大熾
詎能掃蕩無孑遺魯侯奏樂祀鷄鵠亦似華室藏霧龜

思文集 卷十二
豈如阮脩不信鬼立論不妨神社移我侯無牲無黍稷
日事心神恒不欺孟橫弓影豈蛇化魑魑入腹由心疑
侯今年方過強仕大用不棘亦不遲江南安撫蘇州守
狄曹秉軸名同垂

太倉古蹟甚多詞林大夫士題咏殆盡予脩州志
拾其遺爲補三首

宋平江節制司酒庫

唐虞春意在一壺我嘗數盞喪真吾曹騰卧倒安樂窩
洛陽邂逅逢堯夫記詢濂溪太極圖云胡先生議贊無
却褒子雲天爲徒先生回言且婆娑虛空形狀難描摹

攜手共飲黃公鑪侑觴自唱浩浩歌覺來餘酣嗽九河
天地氤氳同太和幸逢

聖世免榷酤買醉止用三青蚨又因醉夢驗工夫笑看
酒庫生秋蕪

滄江風月樓相傳元楊鐵崖張伯雨俱飲其上

滄江風月真無邊常伴樓中歌舞筵炎熱生涼晝作夜
况有巨浸橫簷前當時嘲弄盡才子夢落江邊載酒船
鹽倉烈焰萬室燬一段光景成灰煙封夷拜后真神仙
入火似濯清冷泉爾還繞地鼓萬物我自隨日行中天
樓基亦不隨劫壞春泥爛醉如糟田繁華閱世豈能久

千古羸得虛名傳至今北巷猶管絃啼鴛聲斷號寒蟬
朱清花園

朱郎天錫魚龍器來往三溟若平地家園萬卉鬪芳菲
又把春光作兒戲一道威權掌握中更有餘力驅天公
伊祈常在朱門內粧點淺白并深紅曲曲闌干張翠幕
啼鳥歌聲雜絲竹左丞事業豈平泉巨盜根基類金谷
誰知極樂生悲酸白飯爲蠹鼠戴冠繁華盡逐浮雲散
園扉葉落霜風寒可怪名花眞勢利東家傾覆西家去
我心愛艸同濂溪焉往不得萋萋處

壽邑侯計惟中

筆底妖氛難直掃太師字法世絕倫點畫特垂忠義筋
穹碑合刻置清廟逃劫何如野水濱東流赴海終不復
千古興亡如轉燭窮荒絕域魍魎居詞翰天畱鎮岩谷

遊老君洞

陰陽無端夏去畱世間盛福難全收古人一麾恥外郡
今我半刺來邊州到官未久出按縣滿眼猺獠森戈矛
誰知造化默相補玉融山水何清幽蒼崖翠壁老君洞
徒非巧宦能兼遊萬年乳成滴白柱一卷溪畔眠青牛
眞仙遺跡覽不盡散髮坐石臨清流灑然形質已自失
欲釀溟洋觴浮丘襟懷浩浩隘八極身外何物非輕漚

數聲長嘯下山去幾點白雲天際頭

謝歐公贈藤簟

無功創為醉鄉記元之曾作壽域碑人無喜怒蔑天折
四季常似陽春時誰知睡境更幽邃混沌不鑿亾澆漓
泰山秋毫失小大嫫母西子誰妍媸介推不平屈原怨
但入此境皆寬夷憶昔星沙忝佐郡卧病終日無施為
黑甜一枕百無事騎曹馬曹都不知却嫌舊念未灰冷
半覺猶或親臬夔疎慵頗遭官長罵薄技僅可遮鞭笞
聖朝宰執盡相識公道不與包瑕疵斟量罪過投化外
青騰萬里來邊陲柳州五月苦炎熱小室兀坐如蒸炊

常時合眼不得睡蚊蠅作黨明相欺明公贈以海南簟
白藤細織雙狻猊靜含溟渤波濤氣捲動拂拂生涼颺
得間一卧涼到骨栩栩舊蝶相追隨浮雲世變藉消遣
欲售豈可論家資却笑昌黎貴斲產珍重喚作黃璫璃

賈榜謔

上司出榜安獍狴軍民激變法不饒為頭最禁打煙竈
狼虎身上搜脂膏市人得榜心獨快竹筒束縛青絲帶
昂昂意氣似領敕借馬星馳下村寨倚官托勢情萬千
籠雞沽酒相後先水間一捧沒痛癢戶戶又科賈榜錢
夷人文字何曾識鄉老落來遮屋壁

大人題莊僉憲鯉化龍圖來遊思
江湖奇鯉登龍籍脇下赤鱗文帶黑食殘仙夢三千斛
昨夜禹門驚霹靂將飛能化許琴高欲鬪得看惟富弼
頭巾尺木長盈寸領下明珠吞一粒騰身矯矯萬民望
吐氣濛濛四方濕注雨如車不足論溥沃焦枯見神德
深潭亦自有卧龍疎遠未蒙天帝識臨水照形空自奇
半生不得風雲力

輓侯憲副兩尊人

閩石巍巍山閱水湯湯川先生忽謝世天遠雲無言先
生好脩出天性歲寒松柏獨持正虎榜高登閭里榮多

冠危聳乾坤靜外臺副憲不可當使車隨雨兼飛霜黑
頭歸去看山水神遊忽返無何鄉夫人賦質尤溫淑威
儀似出周南俗曉澗蘋蘩潔祖筵夜窗機杼成姑服秉
志孀居三十秋清冰潔水芙蓉愁冠鳳峩峩帔霞爛瑤
池特跨青鸞遊無何瑤池在何處天墮金枝并玉樹買
絲不能繡買金不堪鑄黃驪無語東風顛落花隨水流
春去賢郎又是傑丈夫憲府聲名天下無誰傳椿萱示
千古青史番爲雙壽圖

世途

東吳人爲西廣客萬里愁看世途窄一自衰周直至今

思玄集 卷三
賢聖多無地容膝扁舟如葉艤江干我曾借住臨清渚
悠然自在宵然靜不道个中天樣寬

思玄集卷之十三

明海虞桑悅民懌著

泰和徐威來鳳註

翁憲祥兆隆選

後學

翁應祥兆吉校

姪孫孝成道凝次

五言律詩

騎馬長安客

騎馬長安客平生不解貧金尊遲白日玉勒照青春榮
顯流螢度恩光宰木新伊周名不朽素志在經綸

宿維摩寺

我愛維摩室蕭然淨世氛松杉頻起籟岩壑自成文此
日逢僧話何年混鹿羣自知違佛戒三宿戀浮雲

五宿永加山岩寺

薄暮投山寺穿松入翠微石鳴流水過谷實亂雲歸肥
遯關心久真遊得路稀禪房清夜月留客自生輝

擬何處難忘酒有序

自唐及宋作何處難忘酒者數人人情世態榮辱升
沉之事形容盡矣拾其遺事得一首戲贈丹士李東

璧

何處難忘酒燒丹未就時汞飛偏帶母砂耗不生兒得

得迷將復惺惺悔更遲此時無七碗何以展愁眉

白樂天惟

云此時無一盞而余變文言七碗者東壁極能飲故也

對月三首

旅泊南昌地宵征月滿舟年華隨客盡河水為誰流端
的乘槎去荒唐秉燭遊光明能繼日功合配來牟

按此詩以夜行舟如乘桴然故曰端的嘆人良夜秉燭之樂有不可得故曰荒唐舊日已沒新日未升而明月續之舊穀將盡新穀未收而來牟續之其功與之相等也

其二

漳水停舟夜乾坤月正圓波澄千頃汞雲澹半空綿夢

落庭闈裏心馳道路邊故鄉并異域羨爾影相連

按此言我之心落于庭闈之內而又馳于道路之間二者不能相通惟月之影得相連也

其三

離鄉知漸遠明月巧隨舟露滴嫦娥淚雲披客子愁
乾坤吾用拙今古大江流起抱清光卧孤身奈九秋

苦熱二首

皓暑侵肌骨人間日正長寒冰猶管樂佳樹即羲黃
禪入諸緣息覓清萬劫涼羣陰從地轉莫易耗真陽

按詩中云寒冰佳樹皆言消暑之物一則功易見而易消如伯者之功故曰管樂一則功難見而難消如王者之功故曰羲黃其意深絕

其二

肯嫌肌肉累極暑苦難禁海露任公釣雲乾傳說霖賢
人休入座酷吏亦投林欲瀉乾坤火何由劑蟄陰

燕窠盧以仁所居茅屋以之為名

一室小於斗茅簷四面泥山中無別主林下且卑栖華
屋成虛夢空梁認舊題花飛蝴蝶散王謝與君齊

友人姚江余中之少孟浪不羈後出入規矩潛心

天人之學一峰羅先生以兩截人呼之予咏之

以詩

少壯何縣絕升高見舊卑天人交會處理欲正分時釋

思立集 卷十三
未扶商運持竿作帝師君看蟬蛻後嘒嘒在風枝

登吞海亭

何處登臨好金山吞海亭獨吟幽鳥下長笑亂峯橫水
氣蒸雲濕波光助月明中冷泉萬斛借我濯塵纓

題林泉高隱圖

高賢在寥廓世網豈能羈思也夫何遠謀焉則就之呈
身謀利祿取士用文辭古道憑誰挽觀圖一賦詩

上雲南坡在貴州

壁立萬仞坡登登路無窮足雖踏實地身已凌太空高
明固有階踐履須加功聖學異仙佛駕幻超鴻濛

遊臨江慧力寺

清江涵古寺崩岸絞溪藤啜水綠波鳥穿林黃葉僧浮
生空自老往事竟難憑只有重遊興高樓待月登

新喻道中

江山秋莫景敗葉正紛紛水涸汀洲出雲開嶺岫分馳
驅常作客流落敢忘君何日茅茨下科頭看白雲

桂林守梁文振聞予調柳遣人邀迎至永幾千里

視落落不相存顧者相去遠甚人回作詩致謝
為客寬懷處邦君在桂林看人相冷面走价遠迎心雪
洞篇章淨灑江道義深緇衣詩久廢千古只如今

寓東泉驛

四山俱賊壘小堡且孤軍村落常遭劫郵亭可盡焚興
哀成淚雨噓氣結愁雲無計紆民困將何答聖君

行府感懷

傷心玉融境十室九逋逃劫路多生獍穿墟半熟狸缺
城來虎豹峻巖叫猿狖行府清宵月堪憐照戰袍

小齋

小齋依獨樹炎海自清風賢聖三盃裏仙靈七碗中太
平非一士際遇有諸公誰信牂牯水洎洎亦向東

宿山寺

夜宿山中寺翛然物外情倚松僧意靜浮竹佛香清昏
鼠窺燈出飢鳥近鉢鳴小池生泡沫似勸學無生

寄潘時用

京華分別後德業近何如真踐推君實浮譚笑子虛羈
窮無長物動止信吾書金玉休相遠秋江足鯉魚

收家書

侵曉得家信無言坐夜闌田園定蕪穢骨肉想飢寒路
遠那能致心驚未卽看開緘見親面目澁淚疑乾

閣眼四首

閣眼孤雲表回頭萬事新人間惟有醉天古定無春雲

水勞終逸龍蛇屈是伸吾生真閱世擾擾夢中身

其二 四首

世故練方熟迷途返自今直思供俯仰未即計浮沉天
地愁中老江湖靜裏深題詩謝真宰造我亦何心

其三

世事如棋局夫公是直溫爭求十禽獲誰愛一牟存花
滿通人宅苔生傲吏門眼前無偶協不敢棄芳尊

其四

優擾紅塵內人生幾度春忙消間裏日愁老歎前身金
玉妖迷客圭裳醞醉人爭如黃鵠舉引喙啄星辰

夜宴馮都闔宅

羅綺生新興絃歌只舊聲月陪山簡樂風逐謝公清池
近涼生席山高影落庭幽人長夜飲不引越王兵

歲晚

歲晚天涯客蕭蕭兩鬢絲風霜來莫極日月去何之病
覺時難度貧宜節到遲如何我家事先有后山知

節番為累成家不亦難

秋夜間坐

月滿天如水秋光落手中
唐詩官職聲名俱落手
樹明千葉露鬢
冷萬絲風習靜聞流水清吟苔候蟲來朝有行役江上

採芙蓉

初月

一抹初弦月浮雲苦蔽藏凝祥凌倒景噓氣接幽光暗
覺朱顏老明添白髮長何時瞻兎浦相對待真陽

贈門人徐威

古今一回首風月滿空庭白雪無人和朱絃待子聽百
年春易莫八代夢初醒喜劇瞻身後匡廬一點青

送春

年換朱顏去春拋綠酒歸孤身類蓬轉老眼看花飛愁
裏成新咏閒中檢舊非叮嚀初夏雨好長故山薇

冬曉喜雨

看雨起新曉寒輕不着人寸心殊覺潤大地共無塵每
慮三冬旱潛枯萬國春乾坤游氣濕生物意津津

入山

幽子尋幽興隨雲入亂山清秋吟不極盡日影俱閒霽
籟追長嘯殘霞映醉顏脫身塵土外心靜是真還

新歲

新歲忽不樂陰風起北堂中官方出將黠虜想擒王白
日匆匆去朱顏艸艸蒼瀾醪畱萬斛爛醉荅春光

尋寺和杜子美韻

塵緣何處洗尋寺一題詩意靜山川近心閒日月遲禪
林栖落葉佛日曬遊絲欲問三生事求筌已費詞

久雨三首

悠悠長伏枕默默倦憑闌堪嘆雨無度定知天不乾濕
愁殊覺重馭暑不曾寬夏日雨多常寒欲上須彌頂無由插羽

翰須彌頂上無雨

其二

微晴意先樂一暴更十寒高林愁鳥雀平地生波瀾培
塿打成岬蓬蒿亦傲蘭羣陰千萬斛疑積塞雲端

其三

淫雨來無度通宵滴未窮定知天不儉贏得海俱豐龍
府封疆拓楚妃囊橐空禾頭無處覓愁煞水鄉農

心樂樓

二月登樓望韶華滿眼新誰知有花處都是此心春地
氣回偏蚤天機發自真還逢沂上水閒掬洗紅塵

逢故人

山城一盃酒萍梗並飄零鬢染西江白眼留東海青世
緣何日盡塵夢此時醒天意引清話夏深月滿庭

寄秦良翰

天意夢夢裏人情沉沉中百花心向露來鳥翼乘風江

海流難盡雲霄路易窮襟懷無罣礙毛骨化虛空

練川令王用仁予主浙貢舉時所取士也茲有風

憲之擢作詩二首送之

御史持風紀當朝最要官多冠我自好龍衮補應難

疏奏天心順符行鬼膽寒君看忠義傳千古氣桓桓

其二

奉上豈愛君剝下殊損民罷煥古循吏幹辦今良臣

黜陟眼前定是非身後真勸君行郡縣考察莫同人

書無礙居士村庄四首

勝景不堪摹天工幻此圖江空寒月瘦海濶濕雲孤倦

馬慵求服幽禽愛集枯眼前俱可樂強健又何如

其二

久住輞川庄間情得得長栽花看舊譜收藥試奇方風

月諳爲主湖山足擅場伊臯餘事業消與北窗涼

其三

刑落人間事雍容古道存酒宜傾北海詩直邁西崑竹

院風尤爽茅簷日自溫老來歸若處大塊是吾門

其四

老來真避世野服稱身裁黃黑非絲質素玄是木災菰

蒲能自處陳后山詩身處菰蒲中名滿天地間桃李任誰栽寂寞南山下

思之集 卷十三
何人咏有臺

咏田家和高季迪韻

人多衣食重門戶又旋增弱女看成婦餘男許作僧塵
清風掃地油盡月爲燈欲買東鄰犢今春力未能

題夾竹桃花

竹邊桃幾樹醉暖着花新勁節摩千古妖容照四鄰咸
韶欣有托鄭衛莫相親欲勵冰霜操題詩蚤送春

贈趙頭陀

打得虛空破頑空又落塵一霧真是性四大假爲人蟲
菁菁燈夜花明破衲春我非經濟客莫現宰官身

友雲爲棋上人題

野衲性高潔浮雲却故知遙思翻手處不是折心時

陳簡

齋詩遙望東南

雲想像折寸心舒卷情非變悠揚意共遲幾回頭上黑

想像欲催詩

田家再和高季迪韻

門稀車馬跡來往只鄰翁柴米無年積魚鹽有市通蛙
聲喧驟雨燕翼欽斜風田種無多畝公私盡在中

舟中望滹齋檢齋兩叔父

功業蹉跎久成名讓後人孤舟千里道三口一家親風
薄違高翥霜嚴斂舊津看花隨處樂底用曲江春

宿維揚 夜宿維揚郡懷鄉思欲迷朱衣猶未識紅襖莫相欺處
處鳴宵析時時候曉雞如何歌舞地雲物冷淒淒

客况 客况 燕巢於屋田園無多始公亦盡其中

客况那能畫行囊數卷詩謀為真宰笑情性後人知看
月峩曾寺眠雲華岳祠吾生堪辦此世事付秋颺

蚤行 蚤行

擾擾倦行役蚤行聞遠鐘未分天昧旦默想路西東犬
吠孤村裏鷄鳴小店中前村猶只尺曉日露微紅

與雷鳳霄夜話

青雲俱不達白髮遞相驚誰信古人語適符今日情山
林雙屐冷風雨一燈清自有超然處端能薄利名

聽雪

西齋夜側耳簌簌步吟聲灑窗飛絮重墮地落梅輕風
響不相似雨聲無此清向曉捲簾看瑤瑤堆滿庭

附五言排律

辰陽道中書事

辰陽千里境歷險路偏賒
頻雨連朝濕深泥幾處窅
澗迴泉曲折嶺峻石橫斜
高節凌霄竹仙姿照水花
土多堆蟻穴岩自作蜂衙
黑氣常朝霧紅光或晚霞
聞猿似雞犬見虎類麀麀
落落排松樹離離漲葛麻
笙簧惟嘯鳥鼓吹雜鳴蛙
條立長房杖株枯博望槎
好雲平地起曠日被峰遮
村女容都皺苗民髻獨髻
長筒盛白漆利鏃射丹砂
擊鼓催栽秫攜筐鬪採茶
皇恩深浩蕩文德格幽遐
謬作三湘客誰憐萬里家
憂官懷子賤指推士大夫

尹問字憶侯巴

指徐廣
咸輩

飛雪囊脩况摩空倚鑊鄒虛名

浮海內浪跡滯天涯暗想前程路真成鼎柱車

窮居感懷書事弘治二年四月作

江浦連旬雨儒生卧病時飢誰分半菽栖可借全枝世
 棄蒙莊傲天容阮籍癡登高頻感慨處困費支持薄俗
 勞孤立清朝恥數竒心空懸北極命或犯南箕放曠亨
 為達真誠否見疑暴鯁偏日近附翼怪風遲咀物無迴
 味方人有所思憂天俱落落填海爾離離輕率投梁獄
 蒼皇賦楚辭齒疆那抵舌毛拔苦連皮寬廣基難圻羈
 孤跡本危市琴三弄罷鄰笛數聲悲此夕逢朱鳥他生

厭白鯢屋穿防雀角簷挂足蛛絲悄悄衡愁伏悠悠賈
 涕垂鋤園虛種玉揭水在爇犀騰踏嫌雙翼嬋娟妬十
 眉深探須貝闕遠沐定瑤池置禹黃金屋觴堯白玉卮
 排雲舒浩氣捫斗話幽期黃鵠尋常膳青鸞取次騎憑
 虛一長揖永與下方辭

過高良山

尚良山萬仞艸屨步嶙峋青犢曾當道

役夫云去年曾
有賦于此截路

黃熊不畏人吹雲生宇宙擎日貫星辰下險天移足憑

高理衛神匡廬低作枕彭蠡遠垂紳得道張平叔通仙

賀季真同登發長嘯飛盡下方塵

咏雪禁用實字

通宵寒凜冽侵曉見紛紛輕落卽難起相隨忽欲分點
污應染潔投間始離羣平布畫工質輕迴賁卦文豐年
資保障厲氣化氤氳每羨高朋穩深憐遣戍頻愁來歌
妙曲不許外邊聞

宿吳山驛

公館此投宿悠悠客遠途漏風窗紙脫照雨壁燈孤清
夢通三竺豪吟帶五湖壯遊新適越肥遯舊居吳伊水
違詩者高陽見酒徒窗前丘壑近幽興未全無

咏大龍山

橫亘十餘里名傳號大龍
弄珠星點點吐氣霧濛濛
蟄根湘水泥蟠礙太空
六鰲應却走二鳥可相從
致雨無霧跡與雲有定踪
蓼花生赤土尺木倚蒼穹
蛇首生赤木成
龍見酉陽雜俎此言龍之大則尺木亦大也
善養行天馬常招飲澗虹
幾時能變化騎謁斗牛宮

題萼窗

北窗高卧穩心事愜萼苔根長
惟行竹花飛合襯梅閒
中疑潤酒幽處似開懷
愛月生寒榭貪文上古碑
魯遷時宿殿吳廢獨登臺
匝地陪蒼蘚爲天許綠槐
孤吟聊復爾相對日悠哉
桁喜懸衣潔人休着屐來
珮宜蘭蕙

思文集 卷三
結衣稱芟荷裁雨細沾書卷雲陰閣酒盃有心除茂艸
無意起枯茨日傍青錢卧休誇中選回

山家卽景

芋田傍柳塘艸店近茅堂錦里先生宅柴桑處士庄流
泉洗雲影斜日接山光野鹿逗入戶鄰雞飛過墻坐消
經世念靜得養生方物外無窮趣塵中有底忙半生寥
廓想役役鬢毛蒼

昇兒病危甚矧家貧公私相迫繼而一甥年十有
七忽天老妻又卧病奄奄諸痛攻心不能聊生
兼有憂出家外者無可奈何聲而為詩

獨子遭危疾全家正食貧只將愁作伴動與歿為鄰正
則將沉候天祥被虜辰飢腸鳴鼓急清淚濺珠勻星月
難挨曉鶯花不當春典衣先問主乞米苦求人官稅煎
烹甚私逋取索頻乾坤俱作客湖海莫容身甥天增新
痛妻眠補舊屯釋迦應感額莊叟亦沾巾親覩江南潦
傳聞塞北塵自甘天廢棄誰展世經綸職外無窮事安
能問大鈞

哭昇兒

寂寞瞻身後精神不自持欲占腸斷處正是淚乾時忽
忽渾如夢惺惺又致疑三尸誰解守二豎本難醫學積

思齋集 卷三
科將近心勞病益危齋空連鼠跡榻冷挂蛛絲軒豁平生志淒涼此日悲清晨捫素行眞宰可曾知

撫夷至古龍江

深入豺狼境干戈擁腐儒撫綏勝薄伐狂狡敢長驅雲氣隨龍劍風光動隼旟險山俱作寨平地或爲墟曲折蛇行路縱橫虎鬪區宣尼何意思欲向此中居

卷十三終

